

Хүндүлүг номчукчулар! Республиканың амыдыралындан чыда калбас дизиңерзе,

«Шын» солунну чагыдып алыңар!

2002 чылдың ийги чартында **ЧАГЫДЫЛГАНЫҢ ӨРТЭЭ:**

хууда чагыдыкчыларга — 185 рубль, 3 айда — 93, 1 айда — 31 рубль,
организацияларга 6 айда — 238 рубль, 3 айда — 119 рубль.

Экспресс чагыдылганы неделяның кайы-даа хүнүндөн эгелеп чагыдып ап болур силер.



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 86 (16544)

2002 чылдың
ИЮЛЬ 30,
вторник

Ат салган шагы 21.30
Садар өртээ 3 рубль.

“ЦАГАН-ТОЛОГОЙГА” БАЙЫРЛАЛ

Каайлының чаа эрттирилге пунктуларындан репортаж



Каайлы албанының “Хандагайты”, “Шара-Суур”, “Цаган-Тологой” үш эрттирилге пунктуларын Тыва Республикага тударын Россия Федерациязының Президентизи В.В.Путин чөпшээрээни республиканың чону изиг чүүлдүгүнүшкүн-биле деткээни билир бис. Ынчангаш каайлы албанының тудугларында ажыл-иш шалыпчы езу-биле чоруп эгелээн. Баштай-ла “Хандагайты” эрттирилге пунктузу ажылгалга кирген. Ол ам делегей чергелиг апаары чугаажок.

Ооң соонда “Шара-Суур” (Тес-Хемде) болгаш “Цаган-Тологой” (Эрзинде) эрттирилге пунктуларында каайлы албанының чаа тудугларын бо чылын ажылгалга кириери-биле шалышкын ажылдар чоруп эгелээн. Ам каайлы албанының ол чаа тудугларын ажылгалга кириериниң үези келгени бо.

ниги В.М.Сынаа болгаш оон-даа өскелер уткуп алган.

Национал хептерин кедип алган тыва кыстар аалчыларга чаңылчаан ак сүттү, хлеб-дусту сөңдидилер.

Тываның Каайлы албанының удуртукчузу А.А.Шаалы чыскаалда каайлыжыларның ажыдышкынга белини генерал-майор А.Л.Страховка рапорттаан.

Ынчангаш “Цаган-Тологой” чаа эрттирилге пунктузун ажылгалга кириеринге тураскааткан митингини ажыттыңан деп чарлаан.

РФ-тиң, Моолдун, Тыва Республиканың Күрүне гимнери чаңгыланып үнген.

— Хүндүлүг өнүктөр, эргим аалчылар! Бо улуг байырлал таварыштыр силер бүгүдөгө изиг байырны чедирип тур мен. Бөгүн бистер силер-биле бо чаа каайлы пунктузун ажыдары-биле чыгып келдивис. РФ-тиң Президентизи чүгө Тывага мындыг чаа үш каайлы пунктузун ажыдарын чөпшээрээн чүве. Ол дээрже бюджеттиң эвээш эвес акша-хөреңгизи-дир. Бо каайлы пунктузу дээрже-ле күрүне кызыгаарын камгалаары-дыр, Россияның экономика талазы-биле сонургалын камгалаары-дыр. Бо улуг байырлал-биле силер бүгүдөгө база катап байыр чедирип тур мен. Каайлы пунктузу эки ажылдаар ужурулуг — деп, Тыва каайлы албанының удуртукчузу А.А.Шаалы байырлалды ажыткан.

Тыва Республиканың Улуг Хуралының Төлээлекчилер палатазының Даргазы Д.К.Х.Ооржак байыр чедирген сөзүңге мынча дээн:

— Бөгүн улуг байырлыг болушкунну мында демдегеп турар-дыр бис. Ынчангаш күрүне кызыгаарының участогун быжыглаарыңга кирген улуг сагыш салышкыны дээш РФ-тиң Президентизи В.В.Путинге, ТР-ниң Чазак Даргазы Ш.Д.Ооржакка өөрүп четтиргенивисти илередир ужурулуг бис. Ынчангаш ТР-ниң Чазак Баштыңы Ш.Д.Ооржактың дааска-



нын езугаар ооң чедирген байырын дамчыдарын чөпшээрер көрүңер...

Моолдун ТР-де Чиңгине консулу дээрги Пунцаг байыр чедиргеш, РФ-тин, Моолдун болгаш Тываның аразында бараан саарылгазы моон сонгаар улам калбарар дээрзин демдеглээн.

Тыва Республиканың Чазак Даргазының хүлээлгезин күүседип турар В.В.Вусатый ТР-ниң Чазаның мурнундан РФ-тиң Чазаның удуртулгазынга өөрүп четтиргенин илереткеш, Тываның каайлы албанының ажылын хөгжүдеринге кириген улуг үлүг-хуузу дээш А.Л.Страховка “Тыва Республиканың алдарлыг ажылдакчызы” хүндүлүг атты тыпсыр дугайында ТР-ниң Чазак Даргазының Чарлыын номчааш, ооң хөрек демдээн генералдың мундиринге кадап берип, изиг байырны чедирген.

Ооң ажылын бедии-биле үнелээни дээш А.Л.Страховка өөрүп четтиришкениң сөстерин ТР-ниң Чазанга, ооң Даргазы Ш.Д.Ооржакка илергейлээн.

Байырлалга киржип келген аалчылар “Цаган-Тологой” эрттирилге пунктузунун чаа тудуун ажылгалга кириериниң кызыл кожаазын кезип, олче киреринче аалчыларны чалаан.

Чаа пунктуну ажылгалга кириериниң актызынга хүлээп алышкын комиссиязының кежигүннери ат салган.

Эрзиниң бот-тывынгыр артистери солун концертин байырлалдың киржикчилеринге бараалгаткан.

Репортажты журналист Маадыр-оол КАЛЧАН белеткээн.

В.САВИНЬХТЫҢ тырттырган чуруктары.

Июль 27. Тыва Республиканың амыдыралында база бир төөгүлүг хүннерниң бирээзи. Каайлы албанының “Шара-Суур”, “Цаган-Тологой” чаа эрттирилге черлерин(пунктуларын) ажыдары ол хүн көрдүңер. Ийи таланың автомобильдер эрттирер чаа пунктузун Шара-Суурга ажыдары-биле анаа Россия Федерациязының Күрүнеңиң Каайлы комитединиң тыл хандырылгазының Кол эргелелиниң начальниги генерал-майор Алексей Леонидович Страхов баштаан күрүне комиссиязы аңаа чеде берген. “Шара-Суурнун” каайлыжылары боттарының ажыл-херектери-биле комиссия кежигүннерин таныштырган. Каайлыжыларның ол байырлалыңга киржири-биле республиканың чамдык удуртукчулары база аңаа чораан. Күрүне комиссиязының кежигүннери “Шара-Суур” эрттирилге пунктузунун чаа тудуун ажылгалга кириериниң дугайында документиге аттарын салгаш, оларның ажыл-ижинге чедишкенин күзээн.

Каайлы албанының ийи таланың автомобильдер эрттирериниң Эрзинде “Цаган-Тологой” пунктузу. Мында бүгү-ле чүве байырлал шинчи кирген: РФ-тиң, Тыва Республиканың, Каайлы албанының болгаш Моолдун Күрүне туктарын ажылгалга хүлээп алып деп турар чаа тудугларның мурнунда аскан. Тыва дериг-

херекселдер-биле дериттинген аъттарын мунупкан кызыгааржылар каайлыжылар-биле кожа чыскаалыпкан. Ол байырлалга киржири-биле Моолдун каайлы ажылдакчылары база келген. Оон-моон келген аалчылар, кожууннун бот-тывынгыр артистери, радио, телевидениениң, солуннар редакцияларының журналистери...

Дүш ажа дүжүп чорда, байырлалдың киржикчилериниң манап турганы ийи вертолет каайлы чериниң чанынга хонгулаптылар.

Россия Федерациязының Күрүнеңиң Каайлы комитединиң тыл хандырылгазының Кол эргелелиниң начальниги генерал-майор Алексей Леонидович Страхов баштаан хүлээп алышкын комиссиязының кежигүннерин, Тыва Республиканың Улуг Хуралының Төлээлекчилер палатазының даргазы Д.К.Х.Ооржакты, Тыва Республиканың Чазак Даргазының оралакчызының хүлээлгезин күүседип турар В.В.Вусатыйны, республиканың Каайлы комитединиң удуртукчузу А.А.Шаалыны болгаш Улуг Хуралдың Төлээлекчилер палатазының депутаттары М.К.Кууларны, М.М.Майдырны, Моолдун Тыва Республикада Чиңгине Консулу дээрги Пунцагты болгаш оон-даа өске аалчыларны Эрзиниң кожуун даргазы А.Ч.Комбу, каайлы пунктузунун началь-



ХУУДА КИИРГЕН ҮЛҮҮ ДЭЭШ

Тыва Республиканың Чазак Даргазы Ш.Д.Ооржактың 2002 чылдың июль 26-да №64 Чарлы-биле республиканың каайлы инфраструктуразын хөгжүдеринге хууда кириген үлүү дээш Россия Федерациязының күрүнеңиң Каайлы комитединиң тыл хандырылгазының кол эргелелиниң начальниги Алексей Леонидович СТРАХОВКА “Тыва Республиканың алдарлыг ажылдакчызы” хүндүлүг атты тывыскан.

ТЫВА РЕСПУБЛИКАНЫҢ ЧАЗААНЫҢ ДОКТААЛДАРЫ

Эмнелге-профилактика албан черлерин болгаш Тыва Республиканың чурттакчы чонунуң чиигелде алып кезээн хандылары-биле эм аймаан, медицина хереглелдин кылыгларын база медицина техниказын садып алырын организастаарының дугайында

2001 чыл сентябрь 6 № 1156 Кызыл хоорай

Тыва Республиканың чурттакчы чонун халас медицина дузаламчызы-биле ханды-рарынга күрүне магадлалының Програм-мазынга дүүштүр медицина албан черле-рин болгаш Тыва Республиканың чурт-такчы чонунуң чиигелде алып кезээн эм-таң болгаш медицина хереглелдин кылыглары-биле хандыраарын организастаарын сайзыраңгайжыдар сорулга-биле Россия Федерациязының Президентизиниң «Күрүне хереглелдеринге продукция садып алырын организастаарда коррупция болдурбас болгаш бюджет чарыгдалда-рын кызырар талазы-биле бирги ээлчег-лиг сорулгалар дугайында» 1997 чылдын апрель 8-теги 305 дугаар Чарлынга үндезилээш база Тыва Республиканың Чазаның «Тыва Республикага фармацевтика ажыл-чорудулгазын организастаарын сайзыраңгайжыдарының болгаш эм-таңның өртөктерин күрүнениң талазын-дан таарыштырып өйлээрин хандыра-рының талазы-биле хемчеглер дугайында» 2000 чылдын ноябрь 28-теги 1164 дугаарлыг доктаалы күүседире-биле Тыва Республиканың Чазаның **ДОКТАА-ДЫРЫ БОЛЗА:**

1. Тыва Республиканың медицина албан черлерин хандыраары-биле эм-таңны, медицина хереглелдин кылыг-ларын база медицина техниказын садып алырын организастаарының дараазында

чурумун доктаадыр:

медицина албан черлерин хандыраары-биле эм-таңны, медицина хереглелдин кылыгларын база медицина техниказын садып алырда күш-ажыл төлевериниң эн эвээш 200 хемчээлинден хей түннүг чагыгларны эм-таңны, медицина хереглелдин кылыгларын база медицина техниказын бээрениң чагыгларын бээр талазы-биле конкурс эрттирер Вedomстволар аразының комиссиязын (моон ыңай комиссия) дамчыштыр эрттирер;

медицина албан черлериниң удуртукчулары эм-таңны, медицина хереглелдин кылыгларын база медицина техниказын садып алырының чагыын тургускаш, Комиссияга чагыг-билдиришкни кириер, аңаа эргежок чугула эм-таңның даңзызын чогуур бюджетте көрдүнгөн чарыгдалдарның хире-шаа-биле айтыр;

Комиссия эм-таңны, медицина хереглелдин кылыгларын база медицина техниказын бээр черлерни «Барааннар эккээриниң чагыгларын кириериниң, күрүне хереглелдеринге ажылдарны кылырының база ачы-дуза чедирериниң конкурстарының дугайында» Федералдыг хоойлуга, ол ышкаш ооң ажыл-чорудулгазының дугайында Дүрүмге болгаш регламентизинге үндезилээш, шилип алып. Чоруткан конкурстарының түңнелинге дүүштүр Тыва Республиканың

медицина албан черлериниң хереглелинге эм-таңны, медицина хереглелдин кылыгларын база медицина техниказын бээрениң чагыгларын күүседире-биле күрүне керээзин чарарының талазы-биле ажылдарны организастаар болгаш таарыштыр углап-баштаар.

2. Дараазында капсырылгаларны бадылаар:

Тыва Республиканың медицина албан черлерин хандыраары-биле эм-таңны, медицина хереглелдин кылыгларын база медицина техниказын садып алырын организастаарының дугайында Дүрүм;

эм-таңны, медицина хереглелдин кылыгларын база медицина техниказын бээр талазы-биле чагыгларны хуваарынга конкурстар чорудар Вedomстволар аразының комиссиязының составы.

3. Тыва Республиканың Фармацевтика ажыл-чорудулгазының талазы-биле комитеди Тыва Республиканың Кадык камгалал, эм-таң болгаш техниктиг хандырылга яамызы, албан медицина камгалалының Тыва Республика фондузу-биле кады дараазында чүүлдерни хандыраар:

албан черлерин болгаш чурттакчы чонну эм-таң, медицина хереглелдин кылыглары база медицина техниказы-биле хандыраары-биле республика бюджетиниң, албан медицина камгалалының

девискээр фондузунуң (дугурушканын езугаар) акша-хөрөңгизиниң, ол ышкаш хоорайларның болгаш кожуннарның бюджеттериниң акша-хөрөңгизиниң күсели-биле садып алырын боттандырып турар организациялар-биле дугуржулгаларны чарарын;

эм-таңны, медицина хереглелдин кылыгларын база медицина техниказын садып алырын боттандыраарда өртөктерни үениң байдалыга дүүштүр өөренип көөрүн.

4. Хоорайларның болгаш кожуннарның чагыргаларына, кадык камгалалының муниципалитет албан черлеринге хоорайларның болгаш кожуннарның акша-хөрөңгизиниң күсели-биле эм-таңны, медицина хереглелдин кылыгларын база медицина техниказын бээрениң талазы-биле чагыгларны хуваарынга конкурстар эрттирер талазы-биле Вedomстволар аразының комиссиязынга медицина продукциязын бээр дугайында чагыгларны кириерин сүмелээр.

4. Бо доктаалдын күүселдизин Тыва Республиканың Чазаның Аппаратының социал хөгжүлдө департаментизинге хүлээндирер.

Чазак Баштыңының Даргазының бирги оралакчызы В.ОЮН.

Тыва Республиканың Чазаның 2001 ч. сентябрь 8-теги 1156 дугаарлыг доктаалы-биле бадылаттырган

Тыва Республиканың медицина албан черлерин хандыраары-биле эм аймаан, медицина хереглелдин кылыгларын база медицина техниказын садып алырын организастаарының дугайында ДҮРҮМ

1. Нийти чүүлдер

1.1. Россия Федерациязының Президентизиниң «Күрүне хереглелдеринге продукция садып алырын организастаарда коррупция болдурбас болгаш бюджет чарыгдалдарын кызырар талазы-биле бирги ээлчеглиг сорулгалар дугайында» 1997 чылдын апрель 8-теги 305 дугаарлыг Чарлынга, Россия Федерациязының Хамааты кодекзинге, Россия Федерациязының «Федералдыг күрүне хереглелдеринге продукция садып алырының дугайында» 1999 чылдын май 6-дагы 97-ФЗ дугаарлыг Хоойлузунга, «Конкуренция болгаш бараан рыноктарыга монополисти ажыл-чорудулганы кызыгаарлаарының дугайында» РСФСР-ниң Хоойлузунга, Россия Федерациязының «Конкуренция болгаш бараан рыноктарыга монополисти ажыл-чорудулганы кызыгаарлаарының дугайында» РСФСР-ниң Хоойлузунга өскертилгелерни болгаш немелделерни кириериниң дугайында» Россия Федерациязының Федералдыг Хоойлузунга, Россия Федерациязының Чазаның «Федералдыг күрүне хереглелдеринге продукция садарының дугайында» Федералдыг Хоойлуну боттандыраарының дугайында» 1995 чылдын июнь 26-дагы 594 дугаарлыг доктаалы-биле бадылаттырган «Федералдыг күрүне хереглелдеринге продукцияны садып алырының база бээрениң күрүне керээлерин белеткээриниң болгаш чарарының чурумунга» болгаш «Федералдыг күрүне хереглелдеринге продукцияны садып алырының база бээрениң күрүне керээлерин белеткээриниң болгаш чарарының чурумунга» дүүштүр бо Дүрүмү ажылдап кылган.

1.2. Тыва Республиканың медицина албан черлериниң хереглелдеринге эм-таңны, медицина хереглелдин кылыгларын болгаш медицина техниказын садып алырының база белеткеп бээрениң чагыгларын хуваары-биле холбашкан харылсааларны бо Дүрүм өйлеп-

таарыштырып турар болгаш конкурстуг шилилгени организастаарының нийти чурумун, бараан берикчилериниң аңаа киржириниң нийти чурумун, оларны саналдарын чугаалажып көөрүнүн чурумун, ол ышкаш хүлээп алган шиитпирни бадылаарының чурумунарын тодарадып турар.

1.3. Медицина албан черлериниң хереглелдеринге садып ап турар медицина продукциязының составын болгаш хемчээлин Тыва Республиканың Кадык камгалал, эм-таң болгаш техниктиг хандырылга яамызы (моон ыңай Чагыкчы) Фармкомитет-биле кады республиканың кадык камгалалының республика болгаш муниципалитет албан черлериниң чагыгларын барымдаалап доктаадыр, ыңчан эмчилерниң рецептизи-биле халас азы чиигелделиг кылдыр чурттакчы чонну хандыраар эм-таңны болгаш медицина хереглелдин кылыгларын барымдаалап көргөн турар ужурлуг.

1.4. Тыва Республиканың медицина албан черлериниң хереглелдеринге эм-таңны, медицина хереглелдин кылыгларын база медицина техниказын бээрени боттандыраар черлерни тодарадыр конкурс шилилгелерин организастаарын болгаш чорудары республиканың күүсекчи эрге-чагырга органының бадылаары Вedomстволар аразының комиссиязынга (моон ыңай Комиссия) хүлээдир.

1.5. Республиканың медицина албан черлеринге медицина продукциязын бээрениң керээзин чарар эргени саналдары негелделерге долузу-биле дүгжүп турар болгаш конкурс шилилгезиниң тиилекчизин тодарадырының негелдизинге эң-не чогузуп дүгжүп турар киржикчиге тыпсыр.

1.6. Конкурс шилилгезиниң үезинде чагыг күүседикчилери (моон ыңай Берикчилер) амгы күштүг болуп турар хоойлу-дүрүмнер езугаар боттарының

төлээкчилерин (бүзүрөттүргөн кижилерин) дамчыштыр азы харылсааштырыкчыларның дузазы-биле ажылдап турар.

1.7. Конкурс киржикчилеринге негелделер. Юридиктиг эргелиглер болгаш хууда сайгарлыкчылар берикчилер болуп болур, олар:

профессия талазы-биле эргежок чугула билиглерин болгаш мергежилдин, дуржулгалыг, ат-алдары бедик болур;

фармацевтика ажыл-чорудулгазы кылыр болгаш медицина техниказы садып алып лицензиялыг;

акша-хөрөңгилег, дериг-херекселдин болгаш өске-даа материалдыг аргаларлыг; керээни күүседиринге эргежок чугула күш-ажыл курлавырларлыг;

шилилге конкурсузунга киржир дугайында чагыг-билдиришкни болгаш өске-даа документилерни кириген болур.

Берикчи бүгү деңгелдерниң бюджеттеринге үндүрүлгөр төлээр хүлээлгелерин күүседип, күрүнениң бюджеттен дашкаар фондуларына албан үндүрүлгелерни күүседип төлээр турар ужурлуг.

Берикчи төлээр арга-шинек чок турбас, узуткадыр (юридиктиг эргелиглер) хемчеглерге кирбээр, төлээр арга чок (буураан) деп санаттынмаан болур ужурлуг.

Эт-хөрөңгизин хоругдаан болгаш азы экономиктиг ажыл-чорудулгазын түр соксаткан организация берикчи болбас. Бо Дүрүм езугаар көрдүнгөн негелде бүрүзү квалификацияның конкурс документациязында кирген турар, бо чүүл шупту берикчилерге хамааржыр.

1.8. Чогуур негелделерге тааржып турар берикчилерниң шилилгезин комиссия, конкуруска киржир дугайында чагыг-билдиришкни кириер кирбээнде-ле, чорудуп болур эргелиг. Квалификациязын бадыткаар документилерни болгаш өске-даа медээлерни комиссия берикчилерден негээр эргелиг, маңаа оларның угаан-

бодал өнчүзүн болгаш хоойлунуң камгалал турары өске-даа эргелерин үрөп болбас.

1.9. Берикчи бүрүзүнүң, бир эвес ол ону шилилгеге киришсин деп чалалга-биле холбаштыр айтырып турар болгаш алган медээлери дээш төлээр ужурлуг болза, ону төлээнде, комиссия квалификация документилерин аңаа түү-биле бээр хүлээлгелиг. Берген документилер дээш төлевер дээрге ол документацияны үндүргени база ону берикчилерге чедиргени дээш үндүргөн чарыгдалдар болур.

1.10. Квалификация документациязынга дараазында чүүлдер кирер:

квалификация шилилгезинге чагыг-билдиришкни белеткээриниң болгаш кирериниң дугайында саавыр;

кадык камгалал албан черлериниң хереглелдеринге продукцияны бээрениң дугайында керээнин кол негелделериниң допчу тайылбыры;

бодуну квалификациянын шыңыдаар кандыг-даа документилер болгаш медээлер;

квалификация шилилгезинге киржирини дугайында чагыг-билдиришкни кириерини чурумун болгаш билдиришкни кириеринге четчир [ени хандырып турар кылдыр көргөн оларны кириерини] хуусаази (черин болгаш [езин айтыр]);

бо Д[р] [мте болгаш квалификация шилилгезинге киржир дугайында билдиришкни кириерин белеткээринге болгаш кириеринге база \ске-даа ажылдарга хамаарышкан \ске-даа эрге-хоойлу актыларында д[шт] [р Комиссияны] државканы \ске-даа негелделер.

1.11. Чагыг-билдиришкни кириерини хуусаази достур белинде, 10 хонуктан орайтаптайн берген квалификация документациянын тайылбырлап бээрени дугайында берикчинин кандыг-даа дилег-негелдизинге комиссия харылсаар ужурлуг.

(Улагчызы 4—6-гы арыннарда).

